



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De Veneratione Sanctorum 40

urn:nbn:de:hbz:466:1-34315

ac Venetiis recusis. Græci non minus quam Latini quotidie aliquid in Veneratione sanctorum nouarunt, & interim honoribus ac cultui Christi detraxerunt.

Septima Pars.

Septima hæc Accusatio non minor calumnia est, præcedentibus. Liber Reformationis damnat eos, qui orationem ore tantum sine seria cordis attentione, & eorum quæ orantur per pensione, recitatum accumulantes, quasi in fasciculum colligentes peccata sua hoc modo expiare volunt. Aduersarij verò dicunt, Librum de Oratione sic loqui, quasi in satisfactionem peccatorum non debeat adhiberi. Quæ verba Liber non habet: & si haberet, malè tamen ab eo posita non essent. Fidelis enim oratio satisfactionem Christi exorat: non autem seipsum pro satisfactione præbet: contra quod nec Cyprianus, nec Basilius, quos Aduersarij hoc loco citarunt, loquuntur. Expiare enim peccata, & maculas ex peccato contractas eluere, nullo modo Orationi adscribūt, ut quæ per se tam præstans opus sit: sed quod per eam eiusmodi munitionem & sordium peccati ablutionem à Deo per Christum exoramus. Alioquin de vocabulo Satisfactionis, quomodo à Patribus usurpetur, suprà in articulo de Satisfactione dictum est.

Decima sexta Accusatio.

De Veneratione Sanctorum.

C A P . X L .

Ex præcipuis venerationibus est etiam hæc decimasexta, de Inuocatione sanctorū, qui ex hoc mundo ad Dominū transferunt. Aduersarij posuerunt de Veneratione sanctorum, verum maiori ex parte de Inuocatione eorum controueritur. In hac accusatione supra modum laborarunt Aduersarij in congerendo quicquid vnquam corraderet potuerūt, ad fucandam & ornandam Inuocationem sanctorum. Ex erroribus verò & abusibus, qui tam multi tamq; horrendi circa eam inualuerunt, ne vnum quidem vel minimo verbo redarguunt. Quòd si cultus & vera inuocatio Dei tanto studio quereretur, quantè diuinitæ & gloria huius mundi, dubium non est, quin in hoc tam periculo & scandaloso negotio, multi se alios demonstraturi essent: Dominus cōuertat ad se quicunque sui sunt. Homines pij, qui alioquin non querunt occasionem errores, mendacia & abusus conseruandi, & ædificationem Ecclesiæ perferre possunt, iij ex controuersia ista se facile expedient, si de sequentibus quatuor quæstionibus ex verbo Dei se instrui passi fuerint.

1. *Quomodo sint venerandi sancti.*
2. *Utrum fruamur meritis eorum.*
3. *Vtrum pro nobis orent.*
4. *Vtrum orandi sint, & pro nobis intercedant.*